

DÊPÄ TÎ PÖPÖKÖDÖRÖ TÎ NDIÄ TÎ BATA NENGÖ TERÊ TÎ ZO

TAKAPA

Na hîngängö biani atene nêngö terê tî zo na lîngbîngö terê tî ângangü tî lo laâ sî ayeke na gündâ tî zarä , tî nzöni ngbanga na tî sirîrî na ndö tî dûnia,

Na hîngängö nî pëpëe na kêngö ândiä tî bata nêngö terê tî zo laâ adü kpälê tî birä sô abi ngonzo na bê tî âhalêzo, ngâ sî gängö tî mbêni finî ködörö sô âhalêzo kûe alîngbi tî tene tënë tî bê tî âla, tî mähê tî âla afa nî tângana taâ kötâ békü tî âzo tî ndö tî gîgî,

Ayeke kötâ yê mingi tî tene azi lê na ndö tî ândiä tî bata nêngö terê tî zo gî na lêngö mbêni gerê tî ndiä ndâli tî siöni sêgbiä na lêngö pâsi,

Na hîngängö nî atene ayeke kötâ yê mingi tî mü ngangü na mäingö tî lêngö söngö na pöpö tî ködörö ndê ndê,

Na hîngängö nî atene na yâ tî sêndiä halêzo tî bëndö tî gîgî afa tî finî nî mähê tî âla na âtaâ ndiä tî zo , na nêngö terê ngâ na kötâ tî zo na lîngbîngö terê tî ângangü tî kôli na wâlî, sî âla atene âni yeke sâra ngangü kûê tî mäingö tî sêduti tî zo na lêngö ânzöni lègê tî duti na yâ tî mbêni kötâ zarä ,

Na hîngängö nî atene âködörö sô abûngbi amû yângâ tî lê kpêngö ndiä tî bata nêngö terê tî zo na zarä tî lo na yâ tî kua tî maboko na maboko na bûngbi tî bëndö tî gîgî,

Na hîngängö atene mângbîngö bê na ândiä sô na âzarä sô ngâ ayeke biani ngangü yê mingi tî sâra kua sô gî na pekö tî yângâ sô âla mü,

Kötâ Lîngö

Avûnga

Dêpä tî pöpöködörö tî bätängö nêngö terê tî zo sô

tôngana kunibê sô halêzo na âködörö kûê alîngbi tî wara, sî âzo kûê ngâ na âkündü tî boso kûê asâra ngangü, na lègê tî fängö mbêti na fängö-ndo, tî lê kpêngö ândiä na âzarä sô ngâ tî sâra na kodê tî ândiä tî ködörö wala tî pöpöködörö tî tene ayêka nî ngâ sî alê tambûla nî na ndo kûe, na pöpö tî halêzo na letäa nî sô alü mbere nî, tôngana âla sô angbâ na gbe tî lê tî âla.

Sura 1

Adü âzo kûê yamba, ngâ âla lîngbi terê na lègê tî nêngö-terê na tî ângangü. Ala kûê awara ndarä na börrö-li sî âla lîngbi tî duti na âmbâ tî âla gî na lêngö söngö.

Sura 2

Zo ôko ôko alîngbi tî pîka kate na ndö tî ângangü sô dêpä avûnga, na särängö kângbi ôko pëpë wala na ndö tî tenê tî marä, wala tî nzoroko tî terê wala tî ndiä wala tî kôli na wâlî tî yângâ ködörö wala tî mosoro, tî ndo tî düngö wala tî marä duti,

Na ndöni kûê, alîngbi tî sâra mbêni kângbi ôko pëpë sô alöndö na ndö tî tënë tî porosö wala tî ndiä wala tî pöpöködörö, tî mbêni zo wala tî mbêni ködörö nî sô alîngbi tî duti lipandâ wala na gbe lê tî mbêni ködörö wala sô ayeke na kpälê tî sêgbiä.

Sura 3

Zo kûê ayeke na ngangü tî duti na finî tî lo, tî duti yamba na tî duti na mbeto tî wara siöni pëpëe.

Sura 4

Zo ôko alîngbi tî duti na gbe tî ngbâa pëpëe. Akânga lègê biani na duti tî ngbâa ngâ na dengö buzê tî kängö zo na ngbâa.

Sura 5

Zo ôko alîngbi tî sâra mbâ tî lo na pâsi tî ponön wala na pâsi tî finön pëpëe.

Sura 6

Zo kûê ayeke na ngangü tî tene ndiä abata lo na âsiöni lâkûê na ndo kûê.

Sura 7

Azo kûê alîngbi terê na lê tî ndiä, ngâ âla yeke na ngangü lègê ôko na särängö kângbi ôko pëpëe. Amû na âla ngangü na sêbätängö terê lègê ôko, na tënë tî kângbi tî marä sô alîngbi tî fîngi dêpä sô ngâ na tënë tî gîngö lègê tî kângbi tî marä sô.

Sura 8

Zo kûê alîngbi tî lî ngbanga na âdangbanga tî ködörö tî lo tôngana âzo akpë pëpëe ângangü sô sêndiä tî ködörö tî lo amû na lo.

Sura 9

Alîngbi ôko pëpëe tî gbû zo na kânga wala tî bata lo na kânga wala tî tokua zo yongoro na ködörö tî lo gî sêngê sêngê, tôngana ndâ nî ayeke da pëpëe.

Sura 10

Zo kûê ayeke na ngangü, lègê ôko na âmbâ tî lo, tî tene amâ polêlê tënë tî yângâ tî lo na lê tî boro ngbanga sô fadê afa ânde wala ângangü wala âkuandiä tî lo wala tôngana pängö iri na tënë sô alî ngbanga da na ndö tî lo sô ayeke mbîrimbirî.

Sura 11

Zo kûê sô apâ iri tî lo na ndö tî mbêni kpälê angbâ mokondö asî na ngöi sô afa na lègê tî ndiä atene lo sâra siöni, na lê tî mbêni ngbanga tî polêlê sô âwakokö kûê adu da na pekö tî lo.

Alîngbi pëpëe tî kânga zo ndâli tî âyê sô lo sâra wala tî bégirisa sô, na ngöi sô asî sô, ndiä tî ködörö wala ndiä tî pöpöködörö afa nî tôngana kpälê pëpëe. Lègê ôko, alîngbi tî dîko pëpëe mbêni ponön sô akono ahön ndö tî lo sô ayeke dê ka nî na ngöi sô zo asâra kpälê sô.

Sura 12

Alîngbi ôko pëpëe tî yöro terê na mbänâ na yâ tî sêduti tî zo wala tî sêwa tî lo wala tî da tî lo wala tî dîko mbêtisû tî lo. Alîngbi pëpëe tî buba iri tî zo ngâ na wüngö tî iri tî lo. Zo kûê ayeke na ngangü tî tene ndiä abata lo ngbanga tî âmarä kpälê tôngasö.

Sura 13

Zo kûê ayeke na ngangü tî fonon yamba na yâ tî ködörösêse kûê. Lo yeke ngâ na ngangü tî soro ndo tî duti tî lo na yâ tî mbêni ködörösêse.

Zo kûê ayeke na ngangü tî sigî na yâ tî ködörösêse kûê atâ adu ködörö tî lo, ngâ tî kîri na ködörö nî tôngana sô bê tî lo ayê.

Sura 14

Na yâ tî ponön tî hongana-ndo, amû lègê na zo kuê tî gi ndo tî duti da ngâ lo lîngbi tî wara nî na ködörö wandê.

Alîngbi pëpëe tî mü ngangü sô na wakpälê tî fängö zo wala na zo tî särängö âyê sô ague pëpëe na lègê tî âpo na âkunibê tî bûngbi tî bëndö tî gîgî.

Sura 15

Amú ngangü na zo kûê tí tene lo du zo tí mbêní kôdörösêse.

Alíngbi pèpèe tí gbânzi mbêní zo na mbänä tí du wakôdörösêse ngâ na ngangü tí gbían kôdörösêse tí lo.

Sura 16

Así na ngói sô âla língbi tí mú terê, amú ngangü na kôlí na wáí tí mú terê tóngana kôlí na wáí, sí âla lè sewä sêngê, tènê tí marä wala tí kôdörösêse wala tí mähê alíngbi tí känga lègê ní pèpèe. Na mbägê tí müngö terê, amú ngangü, lègê ôko na kôlí na wáí na yâ tí dutíngö tí âla ngâ na kängbingö tí âla.

Kôlí na wáí alíngbi tí mú terê gí tóngana bè tí âla úse kûê ayê tènê ní bianí.

Sewä ayeke na gündâ tí halêzo. Ni laâ, amú ngangü na letäa ngâ na âzo kûê tí tene âla bata ní ngangü.

Sura 17

Zo kûê wala lo dutí na bôsôngbi wala lo dutí lo ôko ayeke na ngangü tí wara âkúngbâ tí lo mvení.

Alíngbi pèpèe tí mú âkúngba tí mbêní zo na ngangü na mabôko tí lo.

Sura 18

Amú na zo kûê zarä tí bibê, tí boro-li na tí mähê ; ngangü sô afa atene zo kûê ayeke na zarä tí gbían mähê tí lo, wala bibê tí lo ngâ na zarä tí fa polêlê mähê tí lo, lo ôko wala na yâ tí mbêní búngbi, polêlê wala koiko, na lègê tí fängö mbêti, tí sārängö yê, tí vóröngö nzapâ ngâ na sārängö ângôbo.

Sura 19

Amú na zo kûê ngangü tí zarä tí bibê na tí sārängö tènê. Sô atene alíngbi tí doroko zo pèpèe ndáli tí âbibê tí lo. Amú ngâ na zo kûê ngangü tí gí, tí wara na tí vünga âsango na âkodê na âmarä lègê kûê, na ziängö bè pèpèe na ndô tí tènê tí âmekä.

Sura 20

Amú na zo kûê ngangü tí zarä tí gbê lingö, tí lí na yâ tí bôsôngbi tí siríri.

Alíngbi pèpèe tí gbú zo na ngangü tí lí na yâ tí mbêní bôsôngbi.

Sura 21

Amú na zo kûê ngangü tí sâra kua tí lëngö kôdörö tí lo, wala lo mvení wala na lègê tí âwasêlê sô asoro âla yamba.

Amú na zo kûê ngangü tí wara kua na yâ tí ndokua tí letäa, lègê ôko na âmbâ tí lo.

Kunibê tí halêzo ayeke na gündâ tí ngangü tí awalëngö kôdörö. Kunibê sô alíngbi tí fa gí na lègê tí aboro soro sô ayeke baa gîgí ngói na ngói, na lége tí gbegö mobimba ngâ na kôbö soro wala na mbêní ngôbo sô amú ngangü tí zarä tí soro.

Sura 22

Zo kûê tóngana wabôso tí halêzo ayeke na ngangü na kodékua tí bätängö terê. Alöndö na âbängö nzöni na pekö tí ângangü tí mosoro, tí zängbingörö terê, tí ndara sô ayeke kötâ yê ndáli tí nëngö terê na boro mäingö tí sêterê tí lo; gí na lègê tí gbüngö mbirimbiri kua tí kôdörö ngâ na tí tängbingö kua na âkôdörö wandê sô abäa dôngôngbi na môsôro tí kôdörö ôko ôko.

Sura 23

Amú na zo kûê ngangü tí sâra kua, na zarä tí söröngö kua tí bè tí lo, na yâ tí boro ngâ na nzöni gerê tí kua. Alíngbi ngâ tí bata zo ngbanga tí tènê tí ponön tí sārängö kua pèpèe.

Zo kûê alíngbi tí wara boro nginza tí kua sô alíngbi na kua sô lo sâra

Zo sô asâra kua alíngbi tí wara boro nginza tí kua sô alíngbi tí tene lo na âsêwä tí lo adutí na yâ tí nëngö terê. Na ndöni kûê, amú na lo anzina ngangü tí sêbätängö terê.

Zo kûê awara ngangü tí kii na âmbâ tí lo âbúngbi tí âwakua, ngâ tí lí búngbi na âmbêní âbúngbi tí âwakua ngbanga tí gbüngö kokö tí âla.

Sura 24

Amú na zo kûê ngangü tí woterê tí lo, tí sâra ngiâ ngâ. Sô atene alíngbi tí dë gí na lègê ní längö kâpä tí kua ngâ na âlängö tí wöngö terê sô afûta ní.

Sura 25

Zo kûê alíngbi tí wara nginza sô alíngbi na lo sí lo lè sêní tí lo, nzöni duti tí lo ngâ na tí sewä tí lo bianí na lègê tí têngö kôbe, yüngö bongö, müngö yoro ngâ na zängbingö terê. Amú na lo ngangü tí baa nzöni na lègê tí zängbingö terê na ngói sô lo du na kua pèpèe, wala na ngói tí söngö terê wala ngbanga tí zën, wala ngbanga tí ndü, tí kangba wala na yâ tí âmbêní ngói sô zo ní ayeke na mbêní lègê tí bätängö na finí tí lo pèpèe, na pekó tí âmbêní siokpälê sô asi na lo.

Awáli tí ngo na âmolengê tí âla alíngbi tí wara taâ nzöni na kua tí zängbingö ndo. Amôlengê kûê, wala adü âla na yâ tí müngö terê wala adü âla da pèpèe ayeke na ngangü na ní lègê ôko.

Sura 26

Amú na zo kûê ngangü tí mändängö mbeti. Ayeke fûta mändängö mbêti ní pèpèe, mbirimbiri na âkêté dambêti. Mändängö kodëyé na kodékua alíngbi tí gbú ndo kûe. Zo kûê alíngbi tí manda mbêti na kötâ dambêti, gí na lègê tí kodê tí lo na hîngängö ndo tí lo.

Fängö mbêti alíngbi tí gue na lègê tí kono sêterê tí âzo ngâ tí kono ndiä tí bätängö nëngö terê tí âzo . Lo língbi ngâ tí mú lègê tí kpêngba mängö terê, vürüngö bê na söngö na pöpö tí âkôdörösêse tí âmarä wala âmabê ndê ndê ngâ na mäingö âkua tí búngbi tí bëndo tí gîgí ngbanga tí bata siríri.

Awadüngö môlengê âmveni alíngbi tí soro yamba kodê lègê tí fängö hîngägö ndo na âmôlengê tí âla.

Sura 27

Zo kûê ayeke na ngangü tí lè kua tí sêndágâo tí âsöngö tí lo, tí tene lo wara âpendere yê tí kôdörö tí lo na lo zia mabôko na mäingö tí âsêndâyê ngâ na lo baa nzöni na pekó ní.

Amú na zo ôko ôko ngangü tí sêbätängö ânzöni yê tí lo sô alíngbi tí dutí âkúngbâ wala âbibê tí lo-mveni. Anzöni yê sô alíngbi tí löndö na pekó tí âkodékua, asêndâyê, âsêndâsú wala tí sêndágâo sô lo mvení lo sâra.

Sura 28

Tí tene âzo akpê ângangü sô afa ge sô, ayeke nzöni mbêní dôngôngbi adu da sô alíngbi tí bata ní. Dôngôngbi sô alíngbi tí dutí na yâ tí kôdörö ní tóngana na yâ tí dúnia mobimba.

Sura 29

Zo ayeke na âhonga na mbâgë tî bôso sô lo du da sî lo mâi da yamba . Nî laâ sî alîngbi tî mù na lo légë tî tene sêterê tî lo amâi nzöni bianî.

Ndiâ alîngbi tî lë ângangü tî bätängö nängö terê tî zo . Lo lingbi ngâ tî mù légë na zo ôko ôko tî kpë âmbâ tî lo ngâ tî tene âmbâ tî lo akpë lo.

ângangü sô na âzarâ sô alîngbi ôko pëpë tî fingi âwësêlô, âpö, na gbegôndiâ tî búngbi tî bendo tî gîgî mobimba.

Sura 30

Mbêni kôdörösêse ôko pëpëe wala mbêni zo tî gîgî ôko alîngbi pëpëe tî buba légë tî ândiâ sô afa ge na yâ tî mbêti-dêpâ sô.